

深雪偶談 吳氏詩話
詩評 梅礪詩話



詩
評

此據天都閣藏書
本排印初編各叢
書僅有此本

詩評

宋 敖陶孫撰 明 程兆胤錄

敖陶孫評魏武帝如幽燕老將。氣韻沉雄。曹子建如三河少年。風流自賞。鮑明遠如饑鷹獨出。奇矯無前。謝康樂如東海揚帆。風日流麗。陶彭澤如絳雲在霄。舒卷自如。王右丞如秋水芙蓉。倚風自笑。韋蘇州如園客獨繭。暗合音徵。孟浩然如洞庭始波。木葉微落。杜牧之如銅丸走坂。駿馬注坡。白樂天如山東父老。課農桑。事言皆著實。元微之如龜年說天寶遺事。貌悴而神不傷。劉夢得如鑊冰瑠璃。流光自照。李太白如劉安雞犬。遺響白雲。嚴其歸存。恍無定處。韓退之如囊沙背水。惟韓信獨能。李長吉如武帝食露。盤饌補多欲。孟東野如埋泉斷劍。臥壑寒松。張籍如優工行鄉飲。酬獻秩如。時有馥氣。柳子厚如高秋獨眺。露曉孤吹。李義山如百寶流蘇。千絲鐵網。綺密環妍。要非適用。宋朝蘇東坡如屈注天潢。倒連滄海。變眩百怪。終歸雄渾。歐公如四瑯八埭。正可施之宗廟。荆公如鄧艾鎚兵入蜀。要以險絕爲功。山谷如陶弘景入官。哲理談玄。而松風之夢。故在梅聖俞。如關河放溜。瞬息無聲。秦少游如時女步春。終傷婉弱。陳后山如九皋獨唳。深林孤芳。冲寂自妍。不求識賞。韓子蒼如黎園按樂。排比得倫。呂居仁如散聖安禪。自能奇逸。其他作者未易殫陳。獨害杜工部如周公制作。後世莫能擬議。語覺爽雋。而評似穩妥。唯少爲宋人曲筆耳。故全錄之。